

清·方略館 編

清代 方略 全書

北京圖書館出版社



清代方略全書

一二二

清·方略館編

北京圖書館出版社

欽定剿平粵匪方略卷一百九十五

戊午年

五月初二日

丙子

官文都興阿胡林翼奏言賊匪

踞守麻城正擬抽調九江援師四面圍剿乃援
兵未集而安慶六安太湖潛山英山霍山均有
大股賊匪分擾黃梅廣濟蘄州蘄水羅田等州
縣邊境以圖援應麻城之賊各路官軍往來堵
剿又有另股賊匪七八千人由皖而豫於四月

三日繞入光山商城黃安三縣交界之舊飯店問道疾馳十四日卽竄入黃安先是臣胡林翼曾派補用同知直隸州知州何忠駿督帶信後營平江右營共千人往黃安縣城尙未到防賊已猝至其麻城兵力合圍尙嫌力弱黃安繼失不能不先其所急李續宜卽於麻城各營內調派副將趙克彰等帶兵二千五百人隨同舒

保馬隊二百名前往援應十六日馳抵黃安距
城十里賊乘我初至營壘未定蠭擁來撲我軍
屹立不動俟其逼近齊出擊之賊大敗斬擒二
百餘名連日大雨溪漲陡發不能渡河二十日
舒保令趙克彰等分三路進兵各以一哨至城
下誘賊餘皆伏於山後舒保自率馬隊往來抄
擊賊果分門突出突過田隴我軍鏖戰約兩時

伏兵盡出舒保親督馬隊由西而北抄擊之賊
大敗我軍追至城下乘勝踏毀賊壘五座斬擒
無算賊仍憑城死拒未能攻入查九江已復水
陸東下必先清北岸皖豫之賊乃無後慮且麻
城之賊尙未合圍黃安之賊更虞旁竄因檄飭
藩司李續賓將九江湖口等處派兵留防分營
上駐德安遏賊北竄之路李續賓自率各營於

新辦四月二十三日取道黃陂會同舒保等兩路夾
剿夾攻俟黃安收復之後併力麻城再行分撥肅清
合圖皖豫節節掃蕩直達安慶署黃安縣知縣林基
勳實督帶團勇先期駐紮麻城邊界究屬疏於防範
令官應請詳請此一湖事宜長善派員對辦
旨革職暫行留任責令留營效力補用同知直隸州知
縣去州何忠駿救援亦屬稍遲應請奏八

旨摘去頂戴仍飭督勇殺賊以觀後效奏入

上命軍機大臣傳諭官文胡林翼曰浙省軍情緊急諭令官文等將皖北一路事宜另籌派員接辦卽飭李續賓帶所部精兵赴浙本日據官文等奏麻城尙未合圍黃安又陷李續賓一軍現已取道黃陂會同舒保夾攻擬收復黃安後併力麻城再行分撥肅清皖豫惟浙省自處州失陷後賊勢日熾上游各府悉行

震動福興一軍專顧衢州周天受明安泰兩軍力扼
金華兵力尙覺單薄浙省軍情更屬緊迫著官文等
酌量情形通籌大局如黃安麻城楚省兵力足敷剿
辦仍遵前旨迅飭李續賓簡帶所部精兵馳赴浙江
以資援剿

上

諭內閣曰皖省賊匪由河南光山等處竄入黃安李
續宜隨同舒保帶領兵勇前往援應賊衆蠶擁來撲

官軍齊出奮擊賊衆大敗追至城下踏毀賊壘五座
斬擒無算著卽督飭將弁迅速進攻克復城池毋稍
遲緩署黃安縣知縣林基雖因帶勇駐守麻城邊界
不及赴援究屬疏於防範著卽革職暫行留任責令
留營效力候補同知直隸州知州何忠駿救援遲延
亦難辭咎著摘去頂戴仍飭帶勇勦賊以觀後效

庚戌
初四日

寅和春奏言前據安徽撫臣福濟請以

恩前
總兵鄭魁士與此間提鎮對調一員臣因飭派
提督德安前往廬州而福濟又欲將鄭魁士暫
留皖北會籌一切查福濟與鄭魁士平時本不
甚融洽今總統已接替有人在彼亦呼應不靈
難期得力此時金陵圍攻自城北之上元門至
西路之三汊河樂心寺江干止共長一百三四
十里大小營盤約一百三十餘座兵勇約四萬

有奇所資以分布濠牆督率將士者舊有總兵
四員明安泰周天培均已先後帶兵赴浙此時
僅有李若珠戴文英兩人其總兵王浚一員專
辦翼長營務事宜以及臨時帶隊策應萬一內
盜外援同時交作實屬不敷分督合無仰懇
天恩飭下福濟卽令鄭魁士前赴江南俾臣得收指臂

之助奏入

上命軍機大臣傳諭福濟曰據和春奏請飭鄭魁士迅
回江南軍營等語德安早已抵皖現在江南帶兵大
員明安泰等先後赴浙援剿帶兵乏員著鄭魁士卽
日馳赴江南軍營聽候調遣毋少遲延

和春又奏言金陵城外西南兩面我軍築牆掘
濠次第工竣與東北聯爲一氣該逆於四月十
三日自南路之雨花臺卽子山土城頭及迤西

之鳳臺門安德門直達西北隅之沙洲圩等處
糾合悍黨萬餘分爲六股突出意欲填濠越牆
以圖大逞臣張國樑派令各軍分路迎勦並親
督馬步往來策應更番疊進賊勢不支紛紛敗
退我軍長驅逐北追至城根始行收隊是役也
轉戰五時之久斃賊不下千餘名又據李若珠
稟稱四月初七日探有賊匪數千自太平府竄

至慈湖銅井地方距我營四十里欲進窺山營
板橋等處正當西南要衝初八日經李若珠督
隊擊退查金陵首逆困守老巢負嵎恃固今大
兵合圍陸路接濟已斷惟江面寬闊消息仍通
臣又檄飭吳全美挑派得力師船八隻歸賴鎮
海管帶分泊江路可期嚴密近又探聞賊糧仍
舊照發或云僅可支至七月尙難深信所獲僞

文僅少油鹽雜物尚無缺糧之語惟大營水陸
合圍困鬪鋌走勢所必至節據城中密探又有
首逆於城內外挑選悍賊一萬二千名欲分四
門齊出攻突而上游援賊蠡屯日多尚在逡巡
不發意欲內外夾攻以圖大逞臣已嚴飭各營
晝夜慎防以期迅復堅城
臣等
和春又奏言前准浙江撫臣晏端書咨三衢逆

匪竄入處州屢犯金嚴各屬意圖內竄請添派
勁旅前往助剿臣當與張國樑許乃釗相商又
在金陵大營抽派勇壯一千名揀委副將郭啟
舉管帶於四月十一日起程赴浙會剿統計赴
浙援兵先後共已撥去五千名奏入均報

初五日

卯

已耆齡奏言吉郡逆匪自參將劉培元